





# 臭味相投




剧作者：关倩仪小姐

制作人员表		
岗位	姓名	身份
监制	钟碧虹、陶凤珊	老师
导演	钟碧虹、陶凤珊、薛翠怡	老师、老师、学生
剧本作者/ 改编者	关倩仪	校外导师
舞台监督	钟碧虹、陶凤珊	老师
执行舞台监督	钟碧虹、陶凤珊	老师
助理舞台监督	周文轩	老师
布景	钟碧虹、陶凤珊	老师
灯光	钟碧虹、陶凤珊	老师
音响	钟碧虹、陶凤珊	老师
道具	钟碧虹、陶凤珊	老师
服装	钟碧虹、陶凤珊	老师
化妆	钟碧虹、陶凤珊	老师



## 角色表

角色	性格特质	学生表演员
1 波波：	小学五年级学生，为人乐天好动，与瑶瑶是好朋友，人缘本来极佳；后因成长的生理问题而引来同学耻笑及杯葛，但仍没有因此而自卑	薛翠怡
2 小波波：	小学一年级学生，乐于助人，凡遇到不开心的事便会独自跑步	朱凯晴
3 瑶瑶：	小学五年级学生，为人怕事，无甚主见，常忘这、忘那，与波波池本为好朋友，后因怕被人杯葛而不敢与波波做朋友	张乐瑶
4 小瑶瑶：	小学一年级学生，经常遗失物品，胆小如鼠	卢颖诗
5Bingo：	小学五年级学生，好认叻，爱整洁，视波波为他的竞争对手	高浩麟
6&7 叮叮、 当当：	二人常与 Bingo 一起，十分信任及崇拜他	叮叮：冯佩莹 当当：曾昭伦
8 小吱喳：	小学三年级学生，事事关心	莫逸桐
9 田：	小学五年级学生，田径好手，只爱跑步，对周遭发生的事也不大关心	李嘉仪
10&11 大宝 、小宝：	小学四年级及三年级学生兄弟/姊妹，同声同气	大宝：叶茜瑜 小宝：钟卓翹
12 细蚊：	小学同学，牙尖咀利	陈卓盈
13 校工	学校工友，为人友善	周文轩



## 分场

### 第一场

小息时候，瑶瑶因为遗失了书本，担心给老师责骂，于是躲在学校一角；小波波见状便上前安慰他，并承诺如老师责罚会与他一同面对，又教他以跑步减压，二人因而成为好友。


### 第二场

学校要选出三名运动员参与校际田径接力比赛，最后由田、瑶瑶和波波胜出，此时 Triangle 发现一阵异味从波波身上发出，于是挑拨众人不与他做朋友，以免沾上臭气

瑶瑶因害怕给其同学排挤，每次练跑后都匆忙离去，波波为此而感到闷闷不乐。

### 第三场

比赛终于结束，波波、瑶瑶及田获得亚军奖牌，Bingo 不小心把瑶瑶的奖牌掉了在厨余桶，Bingo 不愿帮瑶瑶从厨余桶中找回奖牌，打算一走了事，田拼命追赶，而波波却自告奋勇为瑶瑶拾回奖牌及清洗干净，众人为波波的不记恨而深感愧疚，于是决定为波波解决身体异味问题，大家再度成为好友。



## 第一场

- 午饭时间，同学们饭后执拾离开，把残余食物放于厨余桶内
- 小瑶瑶坐在台边
- 小波波入

小波波                    瑶瑶，你仲咩一个人系度，就来要返课室喇

小瑶瑶                    我唔见左本功课簿，今次实比 Miss 闹

小波波                    会唔会漏左系屋企，不如打返屋企问下

小瑶瑶                    问过喇，无呀，班主任课时我仲见到系书包度，点知上完音乐堂就唔见左

小波波                    不如我同你去音乐室搵下

小瑶瑶                    都搵过喇

小波波                    一阵我帮你同 Miss 讲，Miss 咁好人，你唔会有事既，最多如果真系要罚，就话系我整唔见既，等 Miss 罚我、唔罚你


小瑶瑶                    你真系好

小波波                    我地系朋友来架吗，唔好唔开心，不如我地跑步

小瑶瑶                    跑步？

小波波                    系呀，我只要跑步好快就会咩唔开心都唔记得晒。来啦，准备，1,2,3

- 二人跑去
- 灯转



## 第二场

- 二人长大
- 瑶瑶和波波跑入
- 校门外

瑶瑶                    好野，赢左

波波                    无气喇

- 另外仔宝也跑到

仔宝                    瑶瑶、波波，真系唔够你地跑

瑶瑶、波波            洗咩讲!

瑶瑶                    好口渴

波波                    我有水，比你

瑶瑶                    (接过水樽) 得返好少，我饮左你咪无咯

波波                    唔紧要啦，我地系朋友来吖吗

大宝                    爸爸，话友情系好脆弱，好难有真正既朋友

小宝                    但系妈妈话最好既朋友都系细个既时候识架

大宝                    你讲咩吖


瑶瑶                    我记得一年级既时候有次唔见功课.....

大宝                    波波帮你同 MISS 求情吖吗

仔宝                    听过啦

瑶瑶                    果次我唔单止无比 MISS 闹，MISS 仲赞我敢于认错，所以我同波波既友情系一定唔会变

波波                    我都唔会变，因为瑶瑶成日陪我跑步，我先愈跑愈快。



小宝                    大宝，我同你都唔会变

大宝                    小宝，我同你系姊妹，呢 D 系亲情，唔系友情

➤ 细蚊经过

细蚊                    大宝，你今日唔系要站岗咩？

大宝                    敝，我入去先

小宝                    我又去

➤ 三人离开

波波                    瑶瑶，我一阵放左学想去图书馆，唔同你一齐走

瑶瑶                    我等你

波波                    你都唔钟意睇书

瑶瑶                    我系球场练一阵跑，等埋你一齐走

波波                    好呀

小吱喳 V.O.            好消息、好消息

瑶瑶                    一定系小吱喳

瑶瑶、波波            人未到、声先到


➤ 小吱喳入

小吱喳                    好消息、好消息

瑶瑶、波波            咩好消息呀

小吱喳                    学校会有校际田径选拔赛，赢左可以代表学校参加校际接力赛

波波                    正，(向瑶瑶)我地一齐参加咯



瑶瑶                    好呀

➤ Bingo 和 叮当入

Bingo                    有咩玩，我又玩

小吱喳                    波波、瑶瑶参加校际田径选拔赛，你地参唔参加

叮当                      Triangle 参加，我地咪参加

波波                      多 d 人好玩 d，最多我让你地起跑先

Bingo                    懒叻。驶咩你让，我一定可以入围

小吱喳                    学校会选三个做代表，

当当                      Bingo 文武双全，要入围一定无问题

瑶瑶                      我地系

瑶瑶和波波                田径双雌，一定赢

叮当                      痴线既痴呀 (笑)

瑶瑶、波波                喂

Bingo                    唔好唔记得仲有阿田，跑得赢佢先算

波波                      我系未必跑得赢呀田，不过一定跑得赢你


Bingo                    睇下点！你够唔够胆同我斗快跑到校门口

波波                      斗咪斗，洗怕你呀

Bingo                    叮叮，帮我攞住个书包

➤ Bingo 放下书包


波波                      好奸



瑶瑶

波波，比个书包我

- **Triangle** 一支箭似的跑去
- 波波也边跑边除下书包
- 其他人努力打气
- 灯暗



### 第三场

V.O. ON YOUR MARK, SET, GO

- 灯亮
- 瑶瑶、波波、田拿着饭盒入，其他同学已在午膳中
- 校园内

瑶瑶 波波，好野，我地入围呀

波波 都系阿田劲 D，真系跑唔赢你

细蚊 你地好叻呀

田 我无野叻，净系跑步跑得快

Bingo 净系跑步叻有咩用

叮当 系呀

细蚊 输左唔抵得呀

Bingo 我先唔 ... (突然闻到一阵异味)，你地闻唔闻到

细蚊 闻唔闻到 d 咩

Bingo 有 d 怪味

小宝 系味个厨余桶呀


大宝 个厨余桶有盖盖住，不孬都无异味

Bingo 叮叮当当，你地闻唔闻到

叮当 唔讲唔觉，讲开又真系好似有 d 怪味喎

田 你讲咩佢地都话系架啦

Bingo 咩味来架



➤ 小吱喳四处搜查，走到波波身边

细蚊           (指向波波) 咦，你好臭呀

波波           边有味呀，(向田及瑶瑶)你地话喇

田             我鼻塞，咩都闻唔到

瑶瑶           (很细声地回应)我都闻到

Bingo          好臭呀，叮叮当当，唔好同佢玩，我地走

> 三人准备离开

Bingo          (回头) 你地因住，近得佢多，整臭埋你地呀

细蚊、小吱喳    等埋

➤ 众人离去

波波           (学着 Bingo) 因住整臭埋你呀


瑶瑶           哎吔，我好惊呀

波波           好，我一于 住你

> 二人追逐

校工           食完饭，唔好跑呀

➤ 灯转



## 第四场

- > 校园内
- 波波和瑶瑶练跑完毕
- 大宝二宝经过，其中一人跌了物品，波波尝试叫住他们，他们却愈叫愈走

波波 愈叫愈走，咁奇怪既，唯有听日比返佢地啦

瑶瑶 我一阵见到佢地呀，你比我吖

波波 一阵？

瑶瑶 (尴尬)讲错...系听日

波波 唔洗啦，大家都系听日先见到啫

瑶瑶 ...又系啲

波波 一齐走

瑶瑶 (面有难色) 唔好喇，我想跑多阵先

波波 我陪你

瑶瑶 唔洗喇

波波 你就生日啲，今年会唔会搅生日会

瑶瑶 (支吾以对)未知...睇下点先


- 细蚊入，但没有走近

细蚊 瑶瑶，你仲系度呀，咩唔系...

瑶瑶 (向细蚊) 知喇，(向波波) 呀，我要比返 D 野细蚊，唔同你讲住，走先

- 瑶瑶箭似的离去

波波 瑶瑶



➤ 田入

田 瑶瑶呢

波波 走左喇

田 又会走得咁快

波波 唔知系咪我有野激嬲左佢呢，我已经好耐无同佢一齐返学、一齐放学喇

田 你唔系有野激嬲左佢，系佢惊比人笑啫

波波 你讲咩呀

田 班同学话你身体有阵味，近得你多会传染，又话同你一齐既都系「臭味相投」，唔会同佢玩，我谗佢系惊比人见到你同佢一齐，所以咪避开你咯

波波 咩我真系咁臭呀

田 你知我个鼻不嬲都好迟钝架啦，我真系闻唔到啲

波波 咁你唔怕人笑你，唔同你玩咩

田 我既目标系做一个出色既田径选手，只要有人同我一齐跑，其他野我先唔会理，走喇

波波 你走先，我突然间好想跑步

➤ 田离去


➤ 波波一人在跑

➤ 此时 Bingo 和叮当经过

Bingo 咦，田径双雌点解得返你一个既

波波 关你咩事

Bingo 叮叮当当，你地闻唔闻到一阵臭坑渠味



叮当 闻到、闻到呀，简直臭到想呕呀

Bingo 唔怪得连佢朋友都避开佢啦

波波 你讲咩

叮叮 唔好同佢讲咁多啦

当当 我地仲要去瑶瑶既生日会

Bingo (向波波) 咩佢无请你呀? 系喎, (向叮当) 你地话佢知点解

叮当 因为其他同学话如果你(波波)去既, 就个个都唔会去。

Bingo 连你朋友都嫌你臭呀, 我地走。


- 二人离去, 剩下波波一人
- 校工拿着一本书返回

校工 波波, 你未走就好, 本书系瑶瑶留低, 你同佢一班, 你比返佢

波波 本书系图书馆架喎, 佢都唔去图书馆既, 会唔会搅错

校工 小息既时候我见瑶瑶边行边睇, 拎住本书去小食部, 后来打钟, 瑶瑶赶住上堂就漏低左本书, 无错架喇, 一定系佢既, 佢成日唔系漏呢样就漏果样架啦。你比返佢, 再唔系帮佢还左佢喇。好晏喇, 快 D 返屋企啦。

- 校工再次离去
- 波波打开了书来看



## 第四场

V.O. 校际接力赛亚军系...

- 小吱喳、Triangle、叮当、瑶瑶在吃午膳
- 校工经过，见厨余桶打开了

校工 你地一阵用完记得盖返盖

- 大宝、小宝、细蚊食完，把剩余放入厨余桶内，之后执拾离去

小吱喳 瑶瑶，劲呀，校际接力赛亚军，等我帮你大事宣扬开去

叮当 你事无大小都钟意「大事宣扬开去」架啦

Bingo 接力比赛赢左系得一只杯、定系每人都有一个奖牌

瑶瑶 学校会有一个奖杯，我地每人都有一个银牌

Bingo 借个奖牌来睇下

瑶瑶 嗯...

Bingo 借来睇下、咪咁孤寒

叮当 我又睇，我又睇

- 瑶瑶无奈拿了奖牌出来

小吱喳 你就好啦，唔好话金牌、银牌，我咁大个连铜牌都未攞过


Bingo 嗰，又唔系真既，我 daddy 话 d 银喷上去既之麻

瑶瑶 攞返来

Bingo 唔信，叮叮有无一蚊，我括比你地睇

- 叮叮拿出一蚊给 Bingo

瑶瑶 攞返来



Bingo 真银不怕熊炉火，试下之吗

瑶瑶 比返我呀

➤ 二人纠缠间，Bingo 不小心把奖牌跌在厨余桶内

瑶瑶 系咪衰，跌左落去

Bingo 玩下之吗，最多帮你执返，有无人有 tissue 呀

当当 我有

➤ Bingo 拿过纸巾尝试拾回奖牌，但由于怕污秽，不小心把奖牌推进厨余的深层

小吱喳 哦，你死喇，跌左入去 d 厨余里面，要伸只手入去搵

叮当 个桶咁深，伸只手入去都未必搵到啦

瑶瑶 我唔理，(向 Bingo)你地要爬落去帮我搵

Bingo 咁污糟

小吱喳 系你整唔见人地 d 野吖吗

Bingo 叮叮当当你地帮我执

叮当 咁污糟，点执呀

瑶瑶 我唔理你地，快 d 帮我执返


Bingo 咁污糟，打死我都唔执架喇

➤ Bingo 逃去

➤ 田与波波入

瑶瑶 喂

田 咩事



小吱喳          Bingo 跌左瑶瑶个奖牌系厨余桶里面，唔肯帮佢执返

田                (向瑶瑶) 我帮你追佢返来

➤ 田离去

波波            跌左系边

小吱喳          (指示着) 本来系呢度，后来沉左落去

➤ 波波找了一把汤 尝试打捞

➤ 田把 Bingo 捉回

波波            搵唔到，可能跌到好底

田                Bingo，你落去帮瑶瑶执返

Bingo          唔制

当当            (向其他人)你地放过 Bingo 啦，佢无心架

瑶瑶            (十分不愿) 系我第一个...

➤ 波波爬入厨余桶内

➤ 众十分惊讶

众                波波

瑶瑶            波波，小心，算啦，唔好执，我唔要喇


➤ 波波努力找寻

波波            我搵到喇

瑶瑶            波波，唔该晒你，你出返来先

➤ 瑶瑶想扶波波

波波            我又臭又污漕，唔好埋来，我自己出来得架喇



➤ 波波尝试出来，但不成功

瑶瑶            我唔怕

➤ 瑶瑶把手给波波

众                我地都唔怕

Bingo            不如等我扶你吖，波波，唔该晒你呀

小吱喳           净系唔该？仲有呢

Bingo            对唔住呀

波波              唔紧要啦，我地系

众                朋友来吖麻

➤ 灯光转

➤ 音乐出

瑶瑶 V.O.        波波，你真系好，唔黓我，仲帮佢执返个奖牌

波波 V.O.        你都好好，专登去图书馆帮我搵点解身体会有臭味，同解决方法。

瑶瑶 V.O.        你又知

波波 V.O.        咦，你又唔系第一次攞奖，点解你咁紧张个奖牌？

瑶瑶 V.O.        因为呢个但系我系第一次同你一齐合作攞既奖吖吗。

➤ 声渐细

波波 V.O.        不如我地斗快跑去果边

瑶瑶 V.O.        好呀

➤ 灯暗

